




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald. 1.5.28






Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.28




Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.28





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.28



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.28



8 *Atto. 1/5.*



*Ex Libris Joannis Nencini*  
*1874*



PAVLI ZANCHI

HEROISMATIS

HEROISMATIS

AD ILLUSTRISSIMUM

HEROISMATIS

HEROISMATIS

HEROISMATIS

IOVITAS RAPICII

HEROISMATIS


HEROISMATIS

HEROISMATIS

HEROISMATIS

HEROISMATIS







PAVLI ZANCHI  
BERGOMATIS  
IVRISCONSULTI,

AD ILLVSTRISSIMVM  
VENETIARVM SENATVM  
PRO BERGOMATIBVS  
CONGRATVLATIO.

IOVITAE RAPICII  
BRIXIANI ORATIO,  
IN FVNERE EIVSDEM  
PAVLI ZANCHI HABITA.



VENETIIS,  
M D LXI.



PAVLI ZANCHI  
 BERGOMATIS  
 IURISCONSULTI  
 AD ILLVSTRISSIMVM  
 VENETIARVM SENATVM  
 PRO BERGOMATISVS  
 CONGRATVLATIO  
 IOVITAE RAPICII  
 BRIXIANI ORATIO  
 IN PVBLICIS  
 PAVLI ZANCHI HABITA



VENETIIS  
 MDLXI



2

# PAVLI ZANCHI

BERGOMATIS IVRISCONS.

AD INCLYTVM VENET. SENATVM

PRO BERGOMATIBVS GRATVLATIO.



**S**OLENT Peregrini, ac multo etiam magis, naufragi, et captiui, si quando vel difficilis, atq; insidiosi itineris pericula, vel longæ, ac procelosæ nauigationis mala, vel insolentes victorû minas, teterrimum carceris pædorem, ferreas custodum compe-des, durissima excarnificantium verbera euaserunt, vbi in portum, atq; ad suos tandem peruenere, non sibi modo gaudere, sed parentibus, sed amicis, sed dominis gratulari, quibus vel seruos, vel amicos, vel liberos fortuna seruauerit. Quod multo magis sibi faciendum Ciuitas nostra existimauit, posteaquàm tam fœdas sæuientis fortune tempestates, tot infandas latrocinantium manus, tam miseram et diutinam seruitutem diuina ope, atq; admirabili vestra defendendæ libertatis nostræ constantia effugit. Et optabat illa quidem, non tam oratores mittere, quàm venire ipsa, et præsens huic Reipublicæ, (si fieri posset) vniuersa gratulari. Quod quia non licuit, oratores elegit, si non sublimitati vestræ, certè quantum potuit desyderio suo pares, vt vel hoc saltem pacto tota adesse, tota gratulari vobis videretur: dum nos illius vice quasi fideles atq; obsequentes serui ad dominorum pedes proiecti, vel (vt vos libentius et auditis et dicitis) quasi liberi in optimorum parentum complexus progressi, ex intimo profundo pectoris arcano gratulamur, vtinamq; ea esset facundia mihi, cui exprimendæ huius publicæ letitiæ nostræ onus præcipuè incumbit, vt patriæ votis respondere, et quod in illius vobis fidissimæ ciuitatis cor-  
A ii       dibus



dibus latet, id verbis satis possem aperire, Intelligere-  
tis profectò nullam vnquam ciuitatem, nullum populum,  
nullam omninò gentem, nominis et glorię vestrę fuisse  
obseruationem. Sed huc illud quoq; accedit incommo-  
di. quòd hoc ipsum publicè gratulandi officium ab elo-  
quentissimis aliarum ciuitatum oratoribus nuper susce-  
ptum, et summa etiam cum laude absolutum, actioni no-  
strę oppletis iam auribus vestris non parum gratiæ vide-  
ri potest ademisse, Ceterum (quæ vestra in primis est hu-  
manitas) eo me orationis temperamento vsurum, atque  
ita habiturum spero: Vt quemadmodum in præliis, in-  
ter ingentes tubarum sonitus tenuis etiam laconicæ ti-  
biæ concentus, non nihil pugnantium animos accende-  
re solebat: Ita oratio nostra, filo quamlibet exili dedu-  
cta, inter solennes et accuratas tot exultantium popu-  
lorum gratulationes, aliqua etiam cum voluptate audiri  
possit. Cùm igitur ipse mecum paulò attentius vestrę  
istiús felicissimę expeditionis euentum considero, tot  
pridem votis, tot precibus expetitur, luce ipsa clarius  
videre mihi videor, nullam esse mundi partem, nullum  
planè negocium humanum, quo se diuinę prouidentię  
solers cura non ingerat, nullumq; esse temporis momen-  
tum, quo supremus ille rerum omnium opifex humano  
generi consulere desistat, Dicam equidem, nec timebo  
fore, vt exhaustorum iam malorum memoratio diei hu-  
ius lætitiā perturbet, cum plerunq; non sine iucundi-  
tate quæ euasimus pericula recensere, et audire soleamus.  
Exarserat nescio quo facto, Christianorum Principum  
miserabilis ira aduersus sanctissimam istam Rempubli-  
cam vestram, hoc est aduersus salutis suę propugnato-  
res, aduersus eos qui pro Christiana Republica, nulla  
non incommoda tot iam seculis sustinuerunt, Qui nullos  
non impetus tam ipsis pectoribus, quàm vallo ac mæni-  
bus exceperunt: Qui tot incendia cum reliquę Europę,  
tum maximè Italię impendentia et vi opum, et singula-  
ri quadam ac prudenti diligentia reslinxerunt, Atq; ita exar-  
ferat



Ierat vefanus ifte furor, vt fopiri poffe nullo pacto vide-  
 retur, nifi prius atrita at profligata veftra ifta tam falubri,  
 tam neceffaria Christianis omnibus potentia. tantifque  
 opibus, tanto apparatu, tanto confenfu, tam pertinaci o-  
 dio, bellum erat conflatum. Vt mirum multis videatur,  
 vos tantum animo potuiffe præfumere, vt contra totius  
 propè Europæ Principes ftaretis, fola caufa superiores,  
 vos certè Deus, vos præfens illius ad refiftendum horta-  
 ta eft maieftas, vt nihil timeretis, meminiffetisq; eam ef-  
 fe caufam veftram, vt vexari quidem et affligi poffetis, vin-  
 ci non poffetis, Bene, fanè bene, q; diuini oraculi fidem  
 res ipfa comprobauit, Namq; aliquot præliis victi, bello  
 tamen ipfo Veneti victores fuiftis; Et nos mirabili quadā  
 Dei Opt. Max. prouidentia hæc eueniffe arbitramur, vt  
 fcilicet gloria veftra latius diffunderetur, difcerentq; Bar-  
 baræ nationes, eam efle Veneti Senatus prudentiam, eam  
 authoritatem, eas vires, eas opes, quæ vos non minus bel-  
 lo inuictos, quàm pace claros reddant. Quis quæfo non  
 videat, vel hoc vno bello omnes omnium Regum et po-  
 pulorum victorias, et gloriam longiffimo interuallo præ-  
 celfiffe; Quæ enim vnquam Refpu. tot, tamq; internos  
 hoftes tam diu fuffinuit, ac fuperauit. Nam vt Athenien-  
 fes, Thebanos, Lacedæmones (quos quidem vobis temerè  
 comparere audent) omittamus. Romani illi toto terra-  
 rum orbe celebres. bello Punico fecundo grauiter adeò  
 vexati funt, vt de fuma rerum propè actum fit. Et pro-  
 prius periculo fuerint qui vicere. Fluxit Romano fangu-  
 ne purpureus Trebia; cruentis fluctibus Transimènis in-  
 tumuit, vt Cannæ infelicitis exercitus excidio funeftatæ,  
 fola Romanæ cladis magnitudine memoriabiles. Et ta-  
 mē cum vnico atq; externo hoftes res gerebatur. Vos vno  
 tempore Germaniam, Galliam, Britannos. Hispanos,  
 et (quod pudet referre) Italiam ipfam fimul pertuliftis.  
 Quodq; omnem penè fidem excedit, eos à quibus oppu-  
 gnabamini defendere nunquam deftitiftis: Certabant il-  
 li, vt vos fedibus veftris eiicerent, vos interim iniuriam re-  
 pellere contenti, et quoquo modo fieri poffet, voftra tue-  
 ri, Imma-



ri, Immanissimum Maumetanę superstitionis Principem,  
sub defensionis vestrę prętextu Chistianorum iugulis in-  
hiautem, incōparabili prudentia à focus, et aris atq; ab ip-  
sorum hostium vestrorum pernicię arcebatis, Neq; vlla  
tanta in ferri vobis iniuria potuit, vt priuatę vtilitatis gra-  
tia, aliqua ex parte Chistianę Reipub. tutelā abiiceretis,  
Itaq; non defuit vobis Christus Deus optimus, Cuius con-  
silio pariter et exēplo, his qui vel per summum scelus, vel  
certē miserabilem errorem, in imperium vestrum cōspira-  
uerant, prodesse perseveratis: Nāq; illo aspirāte tanta fuit  
armorū vis, tanta consilii vestri prudentia, tanta sociarum  
ciuitatum fides, vt non conspirantium modo impetus re-  
tuderit, et fatorum vim quandā euaserit, Sed famę quo-  
que, ac glorię non modicum prouentū fecerit, Est enim  
vel ipsis in calamitatibus aliquod emolumentum, atq; id  
quidem adeò magnum, vt dicere quidam consueuerint,  
se esse omnium miserimos, q̃ nunq̃ miseri fuissent, Et ni-  
hilo infelicius arbitrarentur, cui nihil aduersi vnquā con-  
tigisset, Atheniensium gloria longe minus splenderet, nisi  
immensam illam Persarum vim Gręcia pertulisset: Ac ne  
Romana quidem virtus, adeò emicuisset, nisi Pœnorū val-  
lo (vt poeta quidam ait) palatia essent obfessa, et muris sa-  
lutem Roma defendisset, Deniq; diuina prouidentia, (vt  
paulò antè dicebā) res illuc deducta est, vt iam etiam illi  
ipsi qui aduersus vos olim conspirauerant, errorem suum  
pertesi, vestra ista victoria, et felicitate gaudeant: Agno-  
scunt enim sine vestra Reipub. mancum ac mutilum fore  
Chistianę religionis statū, et de vestra incolumitate totā  
Christiani nominis salutem pendere, et tranquillitatem.  
Itaq; qui vos vltro oderant, amant, et amari vicissim à vo-  
bis desyderant. Et quod alter inquit Poeta, forsam et has  
vēturus amor pręmiserit iras, Habet igitur vt paucis ab-  
soluam quod vobis gratuletur, ac sibi gaudeat Chistiana  
religio, Stat. n. adhuc stabitq; concussum hoc vestrum ad-  
uersus infidelium tremendos impetus antemurale. Et qui  
ante hac fidei propugnatores indefensi semp fuistis, post-  
hac quoq; vestra prudentia, vestris viribus, vestra vigilātia,  
pro



pro illa nullos labores, nullas erumnas, subire recusabitis:  
 Ac iam num, vel magnum aliquid pro cōmuni Christiano-  
 rum tranquillitate moliri, non frustra (vt opinor) augura-  
 mur. verum tamen in hac tanta tot regū, tot principum,  
 tot populorum, tot deniq; prouinciarum lætitia, longe  
 magis Italiam hanc nostram exultare decet, cui amissum  
 decus vos soli restituitis, et auxistis, Iamq; omnes barba-  
 ri Principes ita animo conceperant, nullum pristinae vir-  
 tutis in Italia superesse vestigium: Nec leui sane coniectu-  
 ra eo ducebantur, Viderant Siciliam ( Quis.n. prohibet  
 hanc quoq; Italiæ ascribere ) ad primos Hispaniæ clas-  
 sis impetus celsisse. Viderant Brutios, Apuliam, Calabriam.  
 Campaniam, Samniū et Latium ipsum, fortissimas olim  
 gentes, irruentibus prius Gallis, ac mox Hispanis prædæ,  
 et ludibrio fuisse; Viderāt duros illos, et assuetos malo li-  
 gures, et Genuā Imperii vestri quondam æmulam, quam  
 fama iactabat indomita, quasi fugitiuam aucillam affecta-  
 tæ libertatis pœnas dedisse; Mediolanū, et vicinas vrbes,  
 inuadentium libidini atq; auaritiæ primo statim insultu  
 patuisse: Vicinos ditioni vestræ Regulos, Barbaris miserè  
 adulantes infanda perpeffos. Robustā, et laboriosam Ae-  
 thruriam, tributariā, Atq; ipsam etiam Apostolicā sedem  
 vix sua sibi sacerdotia defendentem. Vos soli Italica virtu-  
 te, et inuicta animi magnitudine subnixa, aduersus omnes  
 Barbaras Europæ gentes ita stetistis, vt quicunq; vester ho-  
 stis esset, vellet, nollet, cedere cogeretur. et in dispari con-  
 tentione, melior tādē causa superaret, et quamuis innu-  
 merabiles copię, aduersus vos armarentur, pro vobis ta-  
 men Iustitia ita pugnavit, virtus ita stetit intrepida, et tā-  
 ta constantia gestum est bellum, et defēsa libertas, vt Bar-  
 bari illi ante hanc diem interriti, non minus vestrū mili-  
 tem expauerint, quā imbelles Damę, et fugaces Cerni  
 Leonum et Luporum rabiem, Et opimū sibi triumphum  
 existimarint, eos fugere, quos prius audacissimè insecta-  
 bantur, Ac nō sine suo graui periculo, et dedecore disce-  
 rent, superesse adhuc Italiæ Venetos, veram ac generosam  
 gentis illius sobolē, quæ (vt ait Lyricus) Cremato fortis  
 ab illo,



ab Illo, Duris ut Ilex tonsa bipennibus. Nigra feraci fronde  
dis in Algido, per dāna, per cædes ab ipso ducit opes a-  
nimūq; ferro. Et profecto, ne ab ipso Poeta recedamus.  
Non Hydra secto corpore firmior vinci dolētem creuit  
in Herculem, quā vestri subinde exercitus in Barbaros  
ex insperato insurrexere. Gaudeat ergo, et in vestra sibi  
gloria plaudat Italia atq; ultro iactet, Venetam adhuc si-  
bi urbem superesse, multiplici prærogatiua inter omnes  
totius orbis terrarum ciuitates insignē, q̃ a Venetis, hoc  
est a vera, et Italica nobilitate condita sit, q̃ ipsa sibi san-  
ctissimas leges sanxerit, nullos nisi catholicos ritus aliun-  
de suscipiens, q̃ aduentitium nunquā dominum agno-  
uerit, sed semper libera, virginis cognomentum me-  
rito sortita fuerit, non tantum quod Deiparæ Virginis  
auspiciis fundata dicatur et sit, Sed meo quidem iudicio,  
quod nullius adhuc viri iuga subierit, intactaq; ac inui-  
olata libertate excellat. Maneat sibi, maneat vetus hoc  
cognomentum. omnium sanè pulcherrimum, dum ac-  
cedat illi et nouum, ut iam etiam Italici decoris re-  
stitutrix dicatur, et conseruatric. Hanc igitur incly-  
tam urbem vestram seruata Christi religio, ac re diui-  
na Italia, sed longe magis populi illi omnes, quos Vene-  
tæ clementiæ regit Imperium, dignitatis, libertatis, ac  
felicitatis suæ parentem appellant, et lætis atq; innumeris  
certatim acclamationibus nobiscum venerantur, Sed in  
tam celebri plaudentium frequentia, audi quæso Prin-  
ceps Serenissime, audite obtestor patres amplissimi, pe-  
culiæres quasdam Pauli ac Bergomatum vestrorum vo-  
ces, quibus illam ipsam sororem, illam matrem saluta-  
mus; Atque in hac tam audaci piorum nominum vsur-  
patione, agnoscite & fidei nostræ magnitudinem, &  
munificentia vestra beneficium, Sororem appellauimus.  
quod Sanctissima ista Respub. tantum fidei in atavis, in  
auis, ac parentibus nostris, ac mox in nobis ipsis abunde  
perspexit, ut inter tot subditorum milia, quorum om-  
nium pace dictum sit, solos Bergomates ciues suos singu-  
lari priuilegio esse voluerit. Matrem nominauimus, quod  
illa



illa sæpius Bergomum nostram filia nomine honestare dignata sit, Sed quas nunc vobis agam gratias? qui vt olim maiores nostros à Tyrannica seruitute vendicatis, & libertatis vestrae socios esse voluistis, ita proximè, quum nescio qua siderum malignitate miserimam in seruitutem reuocati, vel potius reiecti essemus, ac sponte quidem nostra sæpius excusso seuissima tyrannidis iugo optatam in libertatè reclamaremus, quamuis longissimè distantes, vt cunq; fieri potuit manum ostendistis. Et cum iam tam crebro sub importabile iugum (quàmquàm relictantes retracti essemus) vt ferri diutius misera seruitus non posset. Vos, non tam imperandi cupiditate, quàm calamitatis nostræ miseratione, quasi pro carissimis liberis asseruistis liberali causæ manū. Cumq; nos calamitatū profundior caligo occuparet, inter densissimas illas tenebras Veneti splendoris radius effulsit, Viamq; iam tutissimam ad pristinam libertatem ostendit, simul & muniuit, Quam ingressi, & nobis ipsis, & vestrae Reipubli. postliminio restituti, gaudemus, & mirum in modum gratulamur, non modo nos liberos, sed & felices existimantes, Et depulsa tandem septennali ista, non atroci tantum. sed & rapacissima barbaricæ tempestatis hie me, ad semper vernantem indulgentiæ, ac liberalitatis Venetę temperiem adhuc anhelis respiramus, Maximum hoc Dei munus, maximam libertatem, maximam felicitatem agnoscimus, & auidissimè amplectimur quòd nos illis seruire contingit, qui cunctos vobis subditos liberos esse semper voluistis, qui nihil non rectum, nihil non honestum admittitis, tantaq; sapientia cuncta administratis, Vt non vobis sed publicæ subiectorum vtilitati imperium gerere videamini. vestramq; non in barbaro, atque in freni milite, sed in ciuium beneuolentia salutem collocetis, nec tam metui quàm amari studeatis. & ciues prudentia, & authoritate insignes quasi adiutores, & fratres amplectamini. Illorumque concordiam in primis concipere, parere, alere cōsueuistis: Tum

B si quid



si quid aliquando ortum fuerit dissensionis, id continuo  
tollitis, intelligentes hanc esse execrandam ciuitatum pe-  
stem. Profectò Princeps Sapientissime, verum est quod  
Philolophus quidam ait, Bonos principes, viua quædam  
in terris esse Dei simulacra. qui simul optimus est et po-  
tentissimus cui bonitas hoc præstat, vt omnibus prodes-  
se velit, potentia, vt quibus velit et possit. Hoc nos in  
vobis pridem, & nuper multo magis experti, cum è  
miserima captiuitate educti, et pristina libertate donati  
sumus, Quid aliud à Deo Opt. Max. ardentius expecta-  
mus, quàm vt recuperatos Imperii vestri fines summa  
quiete, summa pace possideatis: vtq; optimi semper, ac  
potentissimi, quantum cupi is, tantum prodesse valea-  
tis. Et nos quoniam haud leuibus experimentis agno-  
scimus, nihil vtilius, nihil iucundius, nihil honestius  
nobis ac patriæ exoptari posse. Vt Veneta sub munifi-  
centia, ac mansuetudine q̃ diutissime quiescamus. Dixi.



IOVITAE RAPICII  
BRIXIANI ORATIO,  
IN FVNERE PAULI ZANCHI  
BERGOMATIS IVRISCON. HABITA.



NON obscure intelligo quantum in agendo  
difficultatis, & laboris sim habiturus, qui  
post duos summos oratores instaurata iam  
tertium de more ciuitatis pompa funebri,  
in tanto conuentu hominum, & frequentia  
verba facturus p̄deam, cum præsertim dif-  
ficillimas partes ab illis relictas, et quasi quadam neces-  
sitate ad me delatas videam: ac si non incertamen, in com-  
parationem certè iniquissimam trahar: non ob id tolum,  
quod illi tum in cōtionibus, tum in foro quotidie dicen-  
do summo conatu exerceantur, ego intra priuatos parie-  
tes sermone familiari docens, si qua mihi dicendi facul-  
tas, aut natura inscita, aut arte comparata est, totam pla-  
nè comminuere necesse habeam. Sed quod illis suo arbi-  
tratu materiam deligere permissum est, in qua placere se  
posse maximè confiderent, mihi verò præscriptum, ne  
quid aliud, quàm de causa, hoc est de Pauli Zanchi vita,  
& moribus dicerem. Qua in re illud me consolatur, quòd,  
quæ vestra eruditio est, ignorare non potestis, eos qui,  
vt illi fecerunt, de diuinis, & magnis rebus disserant satis  
facere audientibus facilius posse, quàm eum, qui de ho-  
minibus notam texat historiam. In illis enim omnes opti-  
mè actum putant, si quicq; vel exiguum nō admodū ine-  
ptè in medium afferas: Nam & tacita quēdā religio quid-  
uis fingendi licentiam parit, & rerum ignotarum magni-  
tudo admirationem facile excitat: quæ verò de morta-  
lium vita ac moribus differas, ea nemo est qui non seue-  
rissimè excutiat, tum si talia sint, quæ præstare alii quoq;  
possint,

B ii



possint, illa facile contemnat: fin autem eorum qui audiunt  
viribus maiora fuerint, quicunque his consequendis se se  
pares non arbitrantur: falsa, ficta omnia existimant, Atque  
ut in picturis longe paratior venia est his, qui nuper agno-  
sci ceptas Atlantici maris insulas pingunt; quam his qui  
nostrorum corporum similitudinem et fingere conantur:  
quod illos nemo potest facile reprehendere: his vero nos  
acerrimos iudices exhibemus, nec si quid à singulis linea-  
mentis, coloribusue aberrauerint, temerè ignoscimus;  
ita illis qui hoc ipso loco, atque in hac ipsa funebri celebri-  
tate de rebus non modo à causa, sed à sensu quoque quam  
longissimè remotis disputarunt; & venia paratior, & laus  
certior contigit, quam mihi; qui optimi viri ingenium,  
& mores, rem vniuersæ ciuitati notissimam exprimere  
aggredior: in qua si quid aut pecem, aut errem: omnes  
me statim deprehensum iure vestro arguatis, Verum in  
hac ipsa difficultate, illud gratum, quod nemo est, qui in  
tanto onere vlla à me dicendi lenocinia exigit: cum vi-  
deat nullum excellentius laudandi genus posse excogita-  
ri; quam, si quis hominis vitam ex fide referat; quod ego  
me, qui Paulum familiarissimè noueram, & dilexeram:  
non admodum incommodè facturum arbitror, Itaque non  
inuitus viro tum de omnium hominū genere, tum de pa-  
tria benemeritæ vitæ testimonium nitar exhibere; neque  
verebor fore, ut pietas erga illum mea orationi fidem de-  
trahat, tum quod in re notissima nullus mendacio locus  
est relictus; tum quod mores vobis meos adeò iam per-  
spectos esse confido, ut nemo non intelligat me ne viuen-  
tibus quidem adulari solere; tantum abest ut mortuo; &  
si quid tale sentiret, detestaturo adulari nunc velim. Itaque  
nihil est, quod à me expectetis, ut trita illa laudantium  
via ingressus, quasi ex præscripto commemorem, quæ il-  
li bona vel natura indiderit: vel fortuna contulerit; eaque  
de vulgatis Rhetorū præceptis in maius efferam: quauis  
materia sese vltro efferente id non fecisse propè iniurium  
videatur. Nam ut de patria fileam, quæ illi commu-  
nis



nis nobiscum fuit, quis vestrum quæso possit ignorare Zā-  
 chorum gentem antiquissimam, ac propemodum cum  
 ipsa vrbe natam, nutritamq; ab hac regione, non nouer-  
 ca, vt ita nunc loquar, sed matre. cum id vel ex eo pa-  
 teat, quòd hac vna nulla ferè vsquam numerosior; vt in  
 qua ducentos homines, atq; eo amplius, oēs iam pube-  
 res, & qui arma ferre possint, non difficile queas inuenire:  
 atq; in his non paucos magnis, & animi, & corporis doti-  
 bus insignes: vt interim maiores illorum omittā, quorum  
 potentiam, ac dignitatem si velis reperere, longam texe-  
 re historiam oporteat, Sed nec illud quidem à me quis-  
 quam requirat: vt præcipuam illam heroici corporis di-  
 gnitatem, grauemq; ac temperatum incessum, & ro-  
 bur, tum naturæ dono illi insitum, tum liberalibus exer-  
 citiis comparatum admirer; ac laudem, quamq; enim hæc  
 vel sola in alio quouis satis magnam laudationis partem  
 implere possunt: Ego tamen in illo vix attingenda arbi-  
 tror, Itaq; eos secutus, qui non ea solum bona, quæ exter-  
 na nuncupamus, sed hæc quoq; quæ ad corpus pertinet;  
 quia vel auferri possunt, vel impediri, nostra non existi-  
 mant, & hæc quasi ludentis naturæ munera, & illa quasi in-  
 dulgentis fortunæ obsequia omittenda mihi esse iudica-  
 ui: libenterq; ad ea transeo, quæ Pauli ita propria fuere,  
 vt nec fortuna conuellere, nec vis vlla labefactare potue-  
 rit. Nam quanto melius vnusquisq; in sua, quàm in alie-  
 na veste conspicitur: tantò ego potiore eam hominis  
 commendationem semper existimaui: quæ de propria  
 virtute nascitur: quàm quæ aliunde petitur: adeoq; mihi  
 alienis non esse immorandum intelligo; vt ne summa qui-  
 dem ingenia, his quæ illius sunt propria, satisfacere pos-  
 se cognoscam: tantaq; rerum summa laude dignarum co-  
 pia se se vltro ingerit, vt vnde incipias, aut vbi desinas dif-  
 ficile sit inuenire: Verum quoniam dicturo mihi aliunde  
 incipiendum est; vnde melius tantarum virtutum testi-  
 monium auspicabor; quàm illinc, vnde ipse quoq; tam  
 honestæ vitæ initium cœpit: Septimum igitur ætatis agēs  
 nobis annum



an-  
num Marfilium patrem Iurifconsultum prudētem, hō-  
minem disertum, & ciuem bonum amisit, ac iam inde ab  
eo tempore ea pietate, quā in puero mirarere, matri ob-  
sequens, prima literarum rudimenta in patria didicit;  
mox & sua sponte, & amicorum suasu excitatus, literarū  
amore peregrinari, quā literatus in patria quiescere  
maluit, Ductus igitur celebri fama Ioannis Oliuerii be-  
neliterati hominis ad eum venit; breuique tum suo labo-  
re, tum præceptoris diligentia eò progressus est: vt & car-  
men, & solutam orationem elegātissimè scriberet: diuq;  
nomen illius apud condiscipulos celebre esset. Ego certè  
cum non ita multò post in eandem scholam venissem, nul-  
lius eorum qui ante me ibi didicissent, nomen frequen-  
tius audiebam: nullius exemplo sapius vtebatur intege-  
rimus ille senex: cum nos ad honesta artium studia subin-  
de excitaret, cum verò esset vnus omnium ad agendum  
maximè idoneus: atq; à natura ipsa ad benefaciendum  
quamplurimis genitus: optimum, atq; ingenio suo cō-  
ueniens vitæ institutum delegit: paternamque eloquen-  
tiam vel æquare, vel superare desiderans, ita ad discendū  
ius ciuile se contulit: vt nihil interim eorum omitteret;  
quæ ad summum oratorem pertinere existimaret. Quod  
igitur spectaculis, quod sermonibus, quod somno, & cō-  
uiuiorum mora conteri solet; id ille tempus vel relegen-  
dis historiis, ac Rhetorum, & Philosophorum commē-  
tariis, vel poetis, atq; oratoribus ediscēdis ita insumebat.  
vt nemo purius, aut aptius, nemo dulcius, aut ornatus  
loqueretur, Quid? quòd ad pronuntiandum ita fuit in eo  
tum vox magna, flexibilis, dulcis; ac deniq; vt res fere-  
bat, nunc intenta, nunc remissa, tum modulatio aut gran-  
dis, atq; elata: aut iucūda dulciter, aut moderata leniter:  
totaq; arte cū his, qui tractarentur, affectibus consentiēs:  
Quā porrò illi acre iudicium in omni genere scriptorū  
discutiendo. Nam vt ex oratoribus optimum quemque  
legerat: in hoc iucunditatem, in illo copiam, in alio vim,  
in alio simul omnia dignoscebat, contrā, quid ieiunū, atq;  
aridum



aridum, quid tumidum, atque inflatum, quid ambiguum, atque incertum esset, nemo facilius deprehendebat: de Poetis verò ita exactè iudicabat, ut non sententias solum, ac iuncturas, si quæ parum probabiles, sed ipsos quoque literarum nexus, si qui insuaues essent, purgata, atque eruditissima aure deprehenderet, Illa verò longa lectione si bi notissima fecerat. quæ in poematum œconomia virtus, quæ in decore rerum, quid personæ cuique conveniret: quid in sensibus laudandum: quid in verbis, ubi copia probabilis, ubi modus. Atque hæc quidem quæ maximis olim viris prima, ac sola fuere studia, illi gravioribus studiis occupato, animi fuere laxamenta, quod prudentissimi illius collegæ ut optimè intelligunt, ita libentissimè prædicant: mihi certè tum aliàs sæpissimè, tum hoc tempore affirmarunt, se nullum adhuc novisse, cui vel iudicia, vel res, vel hypothecæ, vel testamenta, quæque testamentis accedunt, notiora essent, Nec vero eos tantum iuris civilis partes, quæ quotidie in manibus sunt; sed illas quoque, quæ vix ab ullo unquam leguntur, hunc unum ita in promptu habuisse, ut aliud nihil toto vitæ tempore gessisse videretur: Quid mirum igitur, si quæadmodum apes suavisimum quemque vernantis agriflorem depastæ, inimitabilem illum aërei mellis saporem conficiunt: ita hic ex pulcherimo tot disciplinarum orbe inexhaustam illam, beatam, ac prope diuinam eloquentiam traxerat: qua cum vel suadere, vel dissuadere posset omnia: sanctissimè tamen semper usus est, Verum quādo in his unde laus homini vera & certa contingit, non tam queri oportet, quantum quisque didicerit; aut quomodo loquatur: quomodo vivat; videamus qualis illi in publico vita: qualis in publica administratione; qualis cum secum ipse secesserat: ac nisi quævis eius vitæ pars publicæ disciplinæ seminarium apparuerit: non recuso, quin me omnium qui usquā sunt hominum vanissimum iudicetis. Primum igitur ille adeo sublimis, atque erecto animo semper fuit; ut non tam lucri, quæ famæ, aut officii gratia causas suscipere iudicabat



2  
iudicabat enim eloquentiam pulcherrimum Deorū im-  
mortalium munus nescio quo pacto pollui si aurum, ac  
non potius gloriam, atque officium sequeretur. Itaque  
bonas causas ab aliis propter clientum inopiam destitu-  
tas, sæpe suscepit, susceptas tanta diligentia, ac fide egit:  
ut rem suam agere videretur, Eos verò, quibus vel obstri-  
ctus beneficio, vel coniunctus beneuolentia, vel sanguine  
propinquus esset, tanta contentione, tanto animi ardo-  
re defendit: ut non rem, non dignitatem, non salutem  
suam defendere vehementius potuerit, Ac ne illo quidē,  
in dando consilio, vel maturiorem, vel magis fidum faci-  
le potuisses inuenire, itaque & si alium aliquē fortasse cliē-  
tum turba longior, & numerosior salutabat: neminem ta-  
men aut honestior, aut amicior ordo sequebatur. cūque  
ut nunc sunt tempora, patronorum avaritiam cliētes ple-  
runque execrentur: huius vnus liberalitatem nemo erat  
qui non extolleret, itaq; illum clientes, non quasi aliquem  
eorum quibus lingua in quæstu est, sed quasi patrem ad-  
uocabant: & quem olim viuētem venerabantur; nunc  
amissum summis laudibus, ac piis lachrymis prosequun-  
tur, Denique talis fuit patronus: qualem inueniri nullum  
iam persuasum erat. Abstulit ille, abstulit ex hominum  
mentibus inueteratam illam opinionem, qua existimaba-  
tur nullum iam esse, qui pluris faceret fidem, atq; officiū,  
quàm quæstum: ostenditq; exemplo suo adhuc inueniri;  
qui amicorum causas gratis agerent. Graui infamia Pau-  
le eloquentiam liberasti, fecistiq; ut quam iam penē om-  
nes quasi quæstuariam, atq; inuidiosam oderant, eandem  
nunc quasi liberalem, atq; officiosam colendam putent,  
Age verò quanta illi in iure dicendo seueritas; quanta gra-  
uitas: quàm non odio, quàm non gratiæ obnoxia: quan-  
ta porrò in audiendo facilitate, quanta in disputando,  
atq; satisfaciendo diligentia, quanta in discernendo leni-  
tate usus est, Tum sicubi vel iudicium, vel decretum inter-  
poni oportuit, non ille gratiam, non metum, non spem  
quæstus vllius, sed iura, leges, atq; equitatem ante oculos  
semper



semper habuit. Si quando infontes animaduertendum,  
 nulli moderatio constantior, nulli seueritas immobilior;  
 vt humanitatem tamen seueritatis illius comitem nemo  
 non agnosceret, Testis Nouaria, vbi ita præturam gessit, vt  
 vniuersa illa ciuitas, quàmquàm in factiones diuisa: illum  
 quasi Deum aliquē sibi de cœlo missum veneraretur: atq;  
 eiectō Lodouico Rege Galliarum à quo prætōr fuerat de  
 stinatus; nihilominus à Maximiliano Sforcia peteret eū-  
 dem sibi prætorem relinqui. Testis Brixia, vbi ius dixit af-  
 fessor Aloysii Icardi: qui tunc illi vrbi Maximiliani Cæsa-  
 ris nomine præsidebat: quo tempore adeò amabilē, adeò  
 venerandum se egregiæ illi ciuitati exhibuit, vt manus in  
 cælum vniuersi tenderent, quod malis illis, & iniquis tem-  
 poribus optimum, atque æquissimum iudicem Deorum  
 immortalium munere essent consecuti, ò amabilem vir-  
 tus splendorem tuum, ò numen venerabile, quàm te etiā  
 aliud agens omnibus manifestas, quam te hominum pe-  
 ctoribus insinuas, Restituta est tandem Venetæ Reipubli-  
 cæ Brixia: Quis mutato vrbis statu, Iudicem quoque non  
 mutandum existimasset? At in illo tantum virtus potuit,  
 vt tantæ illius ciuitatis precibus reuocatus, complexibus  
 retentus, Andræ Triuifani præsidis iussu coactus, in ea  
 vrbe, in qua inter obsidionis, & famis mala integritatem  
 suam omnibus notissimam reddiderat, mutata in melius  
 fortuna ius diceret, ac viro illi sapientissimo, ita se pro-  
 baret; vt cum Petrus Triuifanus Vicentinam præturam for-  
 titus esset, neminem alium agnato, & propè filio aptio-  
 rem legatum fore Andræas existimarit; Paulumq; p ami-  
 citiæ iura obtestatus compulerit; vt Petro in ea prætura  
 legatus esse non recusaret. Nostis omnes quàm sint Vice-  
 tini erecto animo acri iudicio, sermone libero; & tamen  
 illis quoq; se amabilem præstitit: testimoniumq; non mo-  
 do seueri, atq; integri iudicis, verum clementissimi etiā  
 parentis ab ea ciuitate tulit, Sed quid ego externa testi-  
 monia adhuc requiro? quasi non patria ipsa hæc eadem  
 testari possit, quid enim aliud ædilitas qua nō semel sum-  
 ma cum

audil

C

ma cum



ma cum laude functus est, Quid aliud Consulatus iustissi-  
mè gestus loquitur, quàm illum Sancti, atque incorrupti  
iudicis exemplar extitisse. Hinc euenit, vt si quando de  
litigatorum consensu extali, tantoq; isto Iurisconsultorū  
collegio iudex esset deligendus, vix vnquam vllus sit in-  
uentus, qui illum in causa sua cognitorem recusarit, Qua-  
re, si libet, hinc iam transeamus, & quàm breuissimè fieri  
potest videamus, qualem se patriæ decurionem præstite-  
rit: qua in re si velim quàm multa vtiliter, quàm multa ho-  
nestè suaserit recensere: vereor, ne dies ipse me deficiat.  
Illo suadende patria ab hostili impetu defensa est quam  
diu licuit, illo suadente Venetæ Reipublicæ, de cuius sa-  
lute nostram pendere sentimus, simul & profitemur qd-  
quid potuit adiumenti conferri per hæc bella collatū est:  
Reuocate quæso qui adestis honestissimi decuriones in-  
mentem, quæ duodecim proximis annis in consilio ve-  
stro sunt agitata, & facile intelligetis quot honestas sen-  
tentias, ac ciuitati vtilis vel dixerit, vel approbarit. quot  
legationibus functus, patriæ mandata tanta prudentia, tã  
to animo exposuerit, vt nemo non admiraretur hominis  
diligentiam, & ingenii dexteritatem: qua factum est, vt  
fermè semper quod petebat impetrarit. Proximè certè  
cum de censibus formidabilis illa aduersus ciuitatem lis  
intenderetur, legatus ad Venetos missus tanta fide, tan-  
ta eloquentia patriæ causam agit: vt nihil ab aduersariis  
posset excogitari; quod non esset ab illo confutatum: ni-  
hil ab eo qui eos defenderet inueniri, quod ille acri in-  
genio non occupasset, itaq; sine vlla mora tanto illo im-  
minentis damni metu liberati estis; & nunc iam securi id  
totum Pauli manibus acceptum libenter refertis: Quid si  
reliquam illius vitam consideres, nonne tantus tibi statim  
apparebit, quantum vix vllum vnquam hæc ciuitas pro-  
tulit? Quis enim imminentibus patriæ periculis vno illo  
vigilantior? Quis libertatem hanc in qua nunc Venetæ  
Reipublicæ beneficio feliciter, ac beatè viuimus, vel ama-  
uit ardentius, vel defendit fortius. Possum innumerabi-  
libus



libus propè documentis ostendere : neminem illo vno plus laborasse, vt hæc ipsa libertas vel quæsitâ defendere-  
tur; vel amissa quæreretur: Sed paucis interim contenti  
erimus. Exortum erat iam bellum illud ingens, & totius  
penè Europæ atrox conspiratio aduersus Venetam Rem  
publicam. Iam magnus ille Reipub. exercitus ad Abduam  
fusus: Iam hæc capta vrbs; iam oppressa libertas: at Pau-  
li fides opprimi nunquàm potuit, quoties enim cinque  
aliquid spei vel procul ostensum est; ex bona, magnaue  
parte author semper fuit: vt ciuitas ad Venetos redi-  
ret. Factum est id sapius, quàm vt referri oporteat,  
& quàmquàm non satis feliciter, vtiliter tamen, Nam  
hinc et optima Respub. intelligebat, vos à quibus tan-  
topere coleretur, dignos esse, pro quorum libertate vin-  
dicanda nullis impendiis parceretur: et hostis subinde  
admonebatur, non posse se diu his imperare, quorum  
facultates, & corpora, et si fortunæ beneficio in potesta-  
te habebat, animos tamen à se alienos cognosceret, Tum  
vos quoq; magis, magisque intendebabimi. vt quod fru-  
stra erat tam sepe tentatum, id perseverantiâ aliquando  
vestra obtineretis, At dicet aliquis: magnis periculis,  
magnis dispendiis id tentatum fuisse. hoc dicant, hoc  
sentiant, quicunque abiecto nimis, & humili animo sunt.  
At Paulus meus prudenter dicere dolebat, nullum esse tan-  
tum impendium, nullum tantum periculum, quo vel mo-  
dica spes libertatis emenda non esset. Veram Cisalpinæ  
Galliæ libertatem esse, Venetis parere: & illorum pru-  
dentia gubernari; adeò euidentibus rationibus, adeò fir-  
mis argumentis colligebat; vt qui ducem rationem se-  
qui vellet, nihil posset contradicere, Magnum hoc boni  
cuius testimonium, magna probatio; amare libertatem  
patriæ: et eam etiam propriæ salutis periculo petere:  
Hinc Herculem Thebani, hinc Armodium, & Aristogi-  
tonem Athenienses, Brutum Romani miris laudibus ex-  
tulerunt; miris honoribus immortalitati consecrarunt.  
Quid credamus facturum fuisse illum, si in magna aliqua



OI  
 Repub. natus esset, qui in tam paupere patria tam præ-  
 clara virtutis suæ documenta præstiterit? Quod si mane-  
 ret consuetudo illa erigendarum his qui patriæ liberta-  
 tem defendissent, statuarum, loco honestissimo, ac cele-  
 berimo Pauli effigies, aut ære ducta, ficta marmore vife-  
 retur, Verum quando mos ille abiit in desuetudinem  
 huius nos effigiem quàm fieri potest altissimè infigamus  
 hominum mentibus; & è plurimis adhuc aliqua pietatis  
 illius in patriam exempla referamus. Iam Brixia post  
 triennium illud pro Gallis seruierat, ad Venetos defece-  
 rat; atq; illa ingenti cæde capta, ac direpta, honestissi-  
 mi, sed infelicitis conatus sui infandas illas pœnas, & tota  
 Italia memoratas dederat; Vos autem propter parem  
 erga Venetos fidem, pari quoq; supplicio destinati, Dei  
 beneficio, et Iacobi Triultii opera, è manibus cruenti  
 illius exercitus elapsi eratis, Sed non ideò deerant, qui  
 prædam ex vestra calamitate peteret. Visum enim Bar-  
 baris, et avaris hominibus quæstui futurum, si perduel-  
 lionis ream declarassent ciuitatem, Nullo igitur ordine,  
 nulla iuris forma habita inquisitio: Tribunal ingens, et  
 ipso aspectu horribile in medio foro constitutum, voca-  
 ta viritum tota ciuitas ad iudicium, tortores, & carnifi-  
 ces summendis pœnis, et hauriendo sanguini inhiantes  
 tota vrbe circunuolabant: Insolita iudicii facies. Sede-  
 bant Franci aspectu truculento, et vocis sono horribiles:  
 atq; (prohnefas) terribilior Italus. Tribunal ipsum ar-  
 matis militibus stipatum. Iam populus cōuenerat; Iam  
 ille nescio quis Prætor alta, et horrenda voce tyrannos  
 Venetos, rebellem, et læsæ maiestatis ream ciuitatem,  
 quæ ad eos defecisset, pronuntiarat, iam fanda, atque  
 infanda minabantur, ô triste spectaculum, et cuius etiam  
 num animus meminisse horreat, meror in vultu omniū,  
 ubiq; suspiria, ubiq; lachrymæ stupor, et silentium, qua-  
 le nunquam, quum omnes extrema omnia timeremus.  
 Non tulit Paulus hanc patriæ suæ faciem: Sed vt erat ma-  
 gno, et prompto consilio optimum quemq; hortatur,

vti



vti pulcherimum patriæ facinus, quod armis defendi  
 non poterat, legum saltem peritia, atq; eloquentia de-  
 fenderent. Agendas Deo gratias, q̄ hi ipsi, qui prædam  
 petebant, non armis, sed legum ad Iustitię prætextu ad  
 rapinam se compararent; posse auaritiæ eorum moram  
 obiici; liberam esse, ad regem prouocationem: qua ma-  
 nente, cum hostilis exercitus aliis occupationibus distrin-  
 geretur, nihil esse metuendum, posse interim aliquid bo-  
 ni euenire. Quid multa? illius consilio vsi contradixistis:  
 illius consilium ad Regem prouocastis: atq; ita primus il-  
 le impetus repressus est. Nec multò post Reipub. Vene-  
 tæ beneficio exactis Italiæ hostibus, tota illa quæ immi-  
 nere videbatur disiecta calamitas est, Verum vt nostis,  
 non diu mansit illa felicitas: nam qui pulsus Gallis liber-  
 tatem, ac quietem inuenisse nos existimabamus: haud  
 ita multò post, iniqua nescio qua votis nostris aduersante  
 fortuna, Maximiliano Cæsari seruire coacti sumus: statim  
 quæ ciuitati tributum ingens, et quantum nunquam aliàs  
 imperatum est. Quod cum Spugius nescio quis auidius,  
 atq; accerbius, quàm par erat, ab egenis, & reluctanti-  
 bus exigeret, non iniusta in barbarum, et auarum homi-  
 nem populi indignatio excitata est. Neq; ea res Vene-  
 tum militem latere potuit. Itaq; ex eo præsidio trecenti  
 pedites statim immissi, qui miserorum dolori succurre-  
 rent, urbem, nullo repugnante, adeò repente occuparunt.  
 vt Spugius vix se se cum suis in arcem recipere potue-  
 rit. Quid multa expugnata est arx: captus et abductus  
 cum pecunia barbarus. Vrbs interim sine vllò præsidio  
 relicta à Syluio Sabello & ingenti transabduanorum oro-  
 biorum manu obsessa. Verum is impetus vestra magis  
 indignatione, et constantia, quàm vllò bellico appa-  
 ratu repressus est. cum autem nuntiatum esset aduentare  
 è Cæsarianis castris Aloysium Icardum, & Antonium  
 Leuam cum quinq; milibus peditum, et his machinis,  
 quibus iam Pontiuicum expugnauerant, repente om-  
 nium animi ab ira ad timorem conuersi, nullæ erant ad  
 urbem



II  
urbem defendendam machinæ: nulla spes subsidii; &  
aquis iam interceptis victus populo iam iam defecturus  
videbatur. Vos ancipiti cura anxii, quod neque perditis-  
simis illis latronibus, qui villas, et vicos vestros ferro, et  
igne vastauerant: qui vectibus, ac securibus armati rebus  
urbanis diripendis inhiabant: & ceruicibus vestris seruitu-  
tem minabantur, supplicandum putabatis. neque ad Icar-  
dum, et Leuam sine magno, et presenti periculo mittere  
quemquam poteratis: diu quasi fuistis. et quis. cum man-  
datis vestris ire ad illos auderet; neque in supremo illo  
rerum omnium, et publicæ salutis discrimine facile erat  
quemquam inuenire: qui misere ac sollicitæ ciuitati ope-  
ram suam in tam periculoso negotio exhiberet. ibi ille  
salutem patriæ, salutis suæ antepondere nihil dubitabit; et  
inter infestissima illa castra, inter loca latronibus ob-  
sessâ, cum mandatis vestris ad Aloysium, et Antoninum  
venit: causamque vestram tanta fide, atque industria egit:  
ut Barbari homines illius oratione ducti vtrò ad vos scri-  
pserint; se honori, ac commodis vestris non defuturos.  
et mox iratum vobis Raymundum Cardonam Cæsaris  
Legarum ita placauerint; ut imminentis periculi metu,  
et teterimæ obsidionis incommodo Pauli fides, et elo-  
quentia liberasse vos merito videri debeat: Eadem illa  
fortuna, quæ superioribus annis Venetæ Reip. tam iniqu-  
stè, ac pertinaciter obstiterat, Sapientissimi illius Sena-  
tus consilium rursus eluserat. Id fuisse prædicabant: ut  
Laurentius Ceretanus, qui eius Reip. nomine Cremam  
præsidio tenebat; hostem huc pelliceret: Bartholomeus  
Liuianus, qui tunc in agro Patauino erat: magnis itine-  
ribus huc contenderet: mox sociatus viribus manum  
cum hoste consererent, Victoriâ pollicebatur hostium  
paucitas, amica Venetis regio, numerosior, ac firmior  
exercitus. recuperata est urbs à Laurentio, inductum  
magnum, ac validum præsidium: nec hostis cunctatus  
est, sed vel ereptæ urbis dolore succensus, vel prædæ cu-  
piditate incitatus, ad nos obsidendos venit, Laurentio,  
et ciui-



et ciuitati sustinere omnia certum erat, donec Liui-  
 nus adueniret. Quid non fecit Paulus eo tempore pro  
 patriæ libertate, pro ciuium suorum salute defendenda?  
 omnes noctes in somnes, omnes dies sollicitos duxit:  
 prouidendi nequid Laurentio, nequid Veneto militi de-  
 esset curam suscepit, Laborem propè incredibilem per-  
 tulit, verum hoc illi cum aliis multis bonis, et reip.  
 amantibus viris commune fuit. Illud ipsius præcipuum,  
 quod nunc dicam. Iamq; hostilibus machinis muri ita di-  
 ffecti erant, vt latissimus hosti pateret aditus. Iam Lau-  
 rentius omnem de Liuiani aduentu spem deposuerat;  
 quippe qui interclusum illi iter à Germanorum repen-  
 tina, et inexpectata manu intellexerat: ac propterea  
 cum Raymundo pactus erat: vt sibi, ac suis in Gremen-  
 sem agrum tutus esset regressus, vrbs ipsa sine vlllo præ-  
 sidio, sine vlla humani auxilii spe hostibus in prædam re-  
 lecta: tum repente rumor exortus ingressurum exerci-  
 tum ad rapinas, ad cædes, atq; incendia: ac fore, vt nul-  
 lus sexus, nulla ætas tuta esset, Iam vnusquisq; maiora  
 sibi omnia fugebat, et quæ ipse finxerat, turpiter me-  
 tuebat: nec vulgus solum, sed hi quoq; ad quos in pri-  
 mis Reip. cura pertinebat certatim fugerant: tantusq;  
 vniuersos pavor inuaserat, vt ad sua quisq; conuersi pu-  
 blicæ salutis obliuissentur, Ibi ille pietatis suæ in pa-  
 triam memor, quamplurimos potest conuocat, suadet  
 vti ne desperent, quando humanis auxiliis nullus reli-  
 ctus sit locus, opem à Deo petant: Docet efficaci ra-  
 tione, et exemplis, quorum illi ingens copia suppete-  
 bat: vix posse fieri, vt multorum preces non audiantur.  
 Quid multa? illo suadente susceptum est publicè votum  
 ingens, preces omnibus templis ad Deum fusa: mox  
 ventum cum hoste in colloquium; ac statim terribilis  
 ille rumore euauit, atq; omnia minora quàm timeban-  
 tur apparuere. Ingressus est hostis adeò mitis, vt ne stil-  
 la quidem humani sanguinis effusa sit, Maluit enim Ray-  
 mundus pecuniam vndiq; corradere, quàm sanguinem  
 effunde



effundere, Quid plura? Pauli beneficium est; quod per-  
duellionis pœnas effugistis: quod liberos vestros, quod  
vxores in vestra potestate habetis: quod ædes vestras, q̃  
Dei immortalis templa, quod deniq; patriam ipsam non  
direptam, non incensam videtis, Verum ne quasi promi-  
si nostri immemores longius quàm par est, progredi vi-  
deamur, quoniam qualis publicè fuerit propemodum  
diximus: iam qualem in domestica re administrationem  
præstiterit, consideremus. Neq; enim magni refert for-  
is speciosum esse, si domi, atq; introrsus turpis sis. Ma-  
trem tanta pietate coluit; vt non modo quæ ad uictum,  
et cultum necessaria erant, liberaliter illi suggereret, sed  
cum esset prudentissimus, semper eam in consilium in  
his, quæ ad rei familiaris curam pertinebant, assumeret,  
Sorores adeò dilexit, vt eas iam honestissimè locatas  
omnibus fraternæ pietatis officiis semper sit prosecutus.  
Vxorem ita dilexit, vt sine vlla querela, cum ea annos  
xxvi. vixerit: liberos ex ea xi. suscepit: in hac quoque  
re boni et mariti, et ciuis officio functus. Quid verò refe-  
ram quanta cura liberos educarit? quibus moribus insti-  
tuerit, quibus literis imbuerit, liquidò adiurare possum  
per tot annos, quibus mihi vel priuatim, vel publicè do-  
cendi cura incubuit, nullum adhuc me patrem nouisse,  
in instituendis filiis diligentiorē. Adeò enim dissimi-  
lis erat his, qui nihil minus, quàm filios curant, vt cum  
maxima occupationum mole præmeretur, nunquàm ta-  
men instituere liberos intermitteret. Me verò, quem præ-  
ceptorem illis destinerat, ita diligebat: vt vetera benefi-  
cia nouis subinde cumlaret, et cum ego illi deberem  
omnia: ille contrà, se mihi nihil non debere prædica-  
bat. Tantum igitur potuit illius cura, vt Marsilius, qui  
natu maximus est, quàmquàm non satis constanti va-  
letudine, eò prouectus sit, vt et solutam orationem, et  
carmen elegantissimè scriberet, Petrus verò eò progres-  
sus est, vt iam poemata cōposuerit, quæ et Venetæ, & Ro-  
manæ vr̃bis iudicio cōprobata, olim quacūq; se latina fun-  
dit

Nunc Basi-  
lius.



dit eloquentia, cum summa authoris, et patrię laude circūferentur. Scripsit et Grāmaticos cōmētarios de his, quę Epitheta, siue apposita nūcupamus; ex electis Poetis tanta, ac tam profunda eruditione; vt mihi mirū subeat, quomodō, vel legere, vel scribere tam multa penē adhuc puer potuerit, Tāti porrō iudicii est, vt cum de summorum hominum scriptis iudicat, ne doctissimi quidem illi queant iure contradicere. Pamphilus et Iulius tantuli adhuc pueri, latine iam citra viciū, et scribunt et loquuntur: tum prēmatura quadam modestia ita pręditi sunt: vt optimi patris filios statim intelligas: illamq; ipsam modestiam paternis fontibus ortam fatearis, atq; hac quoque parte illum summa laude dignum iudices: qui ciuib; suis tam bene instituendorum liberorum exemplum pręstiterit. Sed age iam qualis illi sui ipsius cognitio, et cura fuerit breuiter indicemus. Primum igitur quę credi religio iubet, adeō constanter credidit, vt indignaretur, si quando, qui ad populum de rebus diuinis, atq; humanis moribus, de ritu religionis nostrę verba faciunt: creditas in ecclesia propositiones ad inutiles vitę disputationes traherent: cum diceret fidem semel acceptam certa, & fida animi constantia seruandam; nec eorum qui se Philosophos credi volunt, cum nihil minus sint, cauillatoriis captiunculis in dubium vocandam. Illud etiam sepius dicebat, vnumquemq; in rebus diuinis tantum intelligere, quantum crederet; mentem diuinitus illustratam. qua vna crederemus, non sensu tantum, atque opinione, sed ratione, & ipso discursu esse superiorem, solamq; fidem ad diuina mysteria percipienda aditum patefacere, Diuina verō oracula adeō memoriter tenebat, vt qui de his loquentem audiuiſſet existimaret eum tota vita in his occupatum fuisse, cum esset autem in abdito vnus omnium Christianę pietatis obseruadissimus, nulla tamen eius rei foris ostentatio, nulla in vultu tristitia: Sed affabilitas mira. & hilaris comitas, qua omne hominum genus ad se amandum allexerat, Testis

D Veneria.

Nunc Ioan.  
Chryllo-  
stomus & Dyo-  
nysius.



21  
Venetia. Testis Cisalpina Gallia; Testis & ipsa Roma:  
vbi non Princeps tantum quadam erga illos obseruan-  
tia sibi conciliauerat: Sed literatissimum etiam quemq;  
tum studiorum similitudine, tum admirabili ista comi-  
tate ita sibi deuinxerat: vt ex his nemo non illum quasi  
fratrem diligeret, Quid dicam, quòd nulla illi vnq;, aut  
tanta prosperitas, aut tanta calamitas, quæ hominem  
à diuino cultu amoueret? Vrget me tempus; nec pos-  
sum tamen in illo fidei, ac pietatis reticere exemplum.  
Obsidebatur Brixia, vbi ille erat Aloysii Icardi legatus,  
& horrenda illa tormetorum tonitrua totam ciuitatem  
ita exanimauerant: vt iam nemo quid consilii capiendū  
esset satis intelligeret, At ille plenus bonæ spei, plenus  
honesti gaudii, cum Deo loquebatur; Deo gratias age-  
bat, q̃ eiectis Barbaris patriam tandem liberatam intel-  
lexerat: q̃ Brixiam in ditionem Venetæ Reip. quasi in  
gremium parentis sanctissimæ redituram propediem vi-  
debat, Atq; ò pia sanctissimi viri securitas: per eos dies  
laudes Diuæ Barbaræ stylo ecclesiastico, atque adeò  
elegantī metro composuit; vt qui legerit non existi-  
met tela inter martia, non inter illos obsidionis terro-  
res, sed inter amena Musarum vireta, atq; adeò in lon-  
ga, & segura pace opus esse conscriptum? Quis autem  
vllò vno ab inferenda iniuria magis alienus; Quis il-  
latam æquiori animo tulit? quis cum fortuna aduersa,  
vel fortius, vel felicius pugnavit. Fortunæ inuidia in  
Astensem agrum relegatus est; quasi aliquid aduersus  
Regem Galliarum molitus esset; Innocentiam suam ita  
probauit: virtutem ita ostendit; vt qui iniquorum ho-  
minum delationibus relegatus fuerat: Senatus Regii  
iudicio, & Ludouici Regis beneficio Nouariensis præ-  
tor crearetur: Eadem illa fortunæ aduersantis iniquita-  
te Brixiam captiuus ad Hispanos venit, sed nec inter  
Barbaros delitescere tanta virtus potuit, Aloysius Icar-  
dus vir acris ingenii, & magni iudicii, Qui et Brixia, et  
Bergomo Cæsaris nomine præsidebat: agnita hominis  
excellenti



excellenti virtute, quem captiuum venire ad se iusserat : eundem sibi assessorem esse voluit; et ciuiliū causarum cognitioni præfecit. Agnouit suū fortuna errorem : et quasi iniuste facti pœnitentiam ageret, pugnare aduersus eum qui tam fortiter repugnaret, aliquando destitit : & tantæ virtuti se comitem tandem adiecit, Vixit ille postea cum Andræa, & Petro Triuisanis tum Brixiatum vicerat in summo honore, Reuersus in patriam ex illa, cuius paulo ante feci mentionem, ad Venetos legatione summam laudem retulit. Verum vt aduersa illum Fortuna non deiecerat, ita nec blandiens quidem extulit; minimum ingenio, minimum virtuti suæ tribuebat: quidquid paulò prosperius contingeret, id totum Deo immortali acceptum referebat, Itaq; quamuis iam tantus esset, quantus vix alius quispiam in tota ciuitate, nihil tamen de præstina illius humanitate potuerat fortuna mutare: ita omnis amicos etiam inferioris notæ comiter alloquebatur; ita vel æquales, vel superiores colebat; ita omnibus erat iucundus. Deniq; cum nulum pii operis genus intermitteret; nihil penitus humanæ laudis inde exspectabat, vt vel eius vnus exemplo verissimum esse intelligeres, vnumquemq; tantò laude esse digniorem, quanto minus laudem desideret, illuc enim animum intenderat, vt Deo acceptabiles bonorum operum hostias offerret, Nullam autem Deo gratiorem hostiam dicere solebat, quàm honestæ vitæ munia. At ille quidem sanctissimum hoc propositum ad extremas vsq; vitæ metas constantissimè tenuit. De qua quoniam tam pacienter satis multa iam audistis, vos oro, atq; obtestor, vt eadem patientia de eius obitu pauca audiat: quæ vel ipse pridem noueram: vel proximè didici ex literis Iuliani patruelis mei, qui et egrotanti, & morienti semper affedit. Peruenerat iam ad annum vitæ quadragesimum octauum. cum vt erat pius, memor suscepti olim voti. Deiparæ virginis templum in Laureto positum visere instituit: et cum id votum liberaliter soluisset, non lon-

D ii go illinc



go illinc itinere Romam venit, atq; ibi aliquot diebus moratus. Petrum filium, quem secum adduxerat, apud Augustinum Triulcium Romanæ ecclesiæ Cardinalem reliquit: ipse per Hetruriam in patriam reuersus, anni tempestate frigida niuali, & ventoso die, Apenini transitu, dum propter ascendendi, et descendendi periculum relicto equo pedibus iter facere compellitur: labore infueto, & lassitudine confectus in febrim incidit; illam quidem adeò tenuem, vt Bononienses medicos, quorum fidei se commiserat, falleret, affirmarentq; nihil esse in morbo periculi. Verum is vbi cæca illa ægritudine se paulatim tabescere, remediaq; adhiberentur nihil prodesse intelligit; conuocatos ad se medicos orat, vt de summa valetudinis intrepidè respondeant: ostendit magni sua interesse; primo quoq; tempore intelligere, quid de se iudicent; si quid spei sit, nullis impendiis parcant; si desperent, velle se alacriter in Domino quiescere, cum illi nihilo secius sperare hominem iuberent, ipse vel coniecturis quibusdam, vel (quod magis credo) interna aliqua inspiratione admonitus, vitæ finem instare intelligeret: sacerdotem acciri iubet, occultorum exhomologism quanta fieri potest, diligentia conficit, cum sacrificio interfuisset, non sine maximis piæ mentis indicibus Christianæ religionis viatico se instruxit tum verò latiori iam vultu visentes cœpit admittere; & salutantium dexterarum arctius stringere: salutabant autem eum nobilissimi aliquot scholastici, & ex magna illa ciuitate optimus quisq; ac doctissimus; quibus ille non tantum notus, sed & charissimus erat. Vbi multos conuenisse, atq; astare iam tristes videt: leni, ac docto sermone hortatur: vti ne sui gratia vlllo mœrore se macerent: bono, atque hilari animo sint, sibi nihil mali contigisse, instare suum unicuiq; diem, nec quandiu, sed quomodò vnusquisque vixerit referre: quàm mortem homines appellant, non tam mortem esse, quàm transitum ad aliud vitæ genus: neq; tam formidabilem, quàm expectandam, tum è sa-  
crarum



crarum literarum testimoniis addit parata esse his, qui bene vixerint, præmia: sperare sibi quoq; beneficio I E- S V C H R I S T I, quem semper religiosè coluisset, ad vitam, atq; ad gloriam patere aditum: quòd ad res domesticas attineret, non defuturos liberis, qui eas administrarent, Dimisso eo cœtu, non ita multò post, vocat ad se Cæsarium Zanchum religiosum virum, & è suis, qui ibi erant, notissimum, et charissimum quemq; qui testamento interessent: filios hæredes instituit: hæreditatis administrationem viris quibusdam optimis, matrique, & vxori committit: Liberos agnatis, atq; amicis omnibus cõmendat, tum ad Iulianum patruem meum conuersus, scribe inquit, ad Iouitam nostrum, & Pauli morientis nomine Pamphilum ac Iulium illi commendanda, vt qua fide, ac diligentia Marsilium, ac Petrum olim instituit, eadem hos quoq; educet: mox Petrum Brixianum Iuris Pontificii studiosum arcto sibi affinitatis vinculo vinctum ad quem diuerterat, arctissimè complexus. Ego inquit, puer à patre destitutus, à parentibus tuis Petre charissimè penè educatus sum, & quidquid eram eorum consilio, opera, atq; opibus debuisse me ingenuè profiteor: Et nunc ita res tulit, vt cuius vitæ initia apud parentes tuos egi, eius apud te finem mihi videam imminere, simulq; de tua, & fratrum tuorum beneuolentia securus mihi pollicior fore, vt quod ego à maioribus vestris accepi, id vos liberis meis exhibere non grauemini: cui cum ille omnia liberaliter esset pollicitus, tum quasi rebus omnibus iam compositis securus, atq; hilaris, vngite me inquit, sacro oleo, vt vegetior proficiscar quo me reuocat, qui huc me miserat, mox sacerdoti de ritu religionis vngenti, quidquid à ministro responderi solet, respondebat, ipse cum iam vinctus esset: voce tum demum defecta, manus oculosq; in cœlum tendens, aliquandiu in precantium gestu, & magnum aliquid petentium perstitit: vt illum, quâquàm vocis ministerio destitutum, animo tamen adhuc cum Deo loqui omnes intelligerent,



21  
rent, Tandem verò quasi impetrasset, quod petebat, manibus in pectus remissis, supremum spiritum adeò leniter emisit, vt obdormisse omnibus videretur, hic illi vitæ exitus fuit, vt qui claro loco natus honestè vixerat, honestissimo fine vitam clauderet; & qui honestarum disciplinarum toto cœuo studiosissimus fuerat, in ea vrbe quæ præcipua studiorum mater existimatur, inter studiosorum hominum complexus ad vitæ metas perueniret. Neq; verò vita solum, atq; obitus, sed & ea quæ postea secuta sunt, si rectè consideremus, viri excellentiam facile possunt indicare: Quale enim, quantumq; existimari debet, quod ad mortis illius nuntium, adeò consternata est vniuersa ciuitas, vt non tam ciuem, quàm parentem amisisse videretur? Quid? quod ex ipsa vsq; Aemilia extinctum referri ad se voluit; et mutata veste obuiam mortuo ad aliquot millia passuum ita processit, vt ex tanta illa multitudine nemo esset, qui non aut suspiriis subinde pectus quateret, aut vberibus lachrymis ora perfunderet, ad funus autem tanta vtriusq; sexus, & omnium ordinum, atque ætatum multitudo, confluxit: vt hæc ipsa basilica, in qua situs est, & quàmquàm satis ampla, vix ipsam sacerdotum, ac nobilium hominum frequentiam capere potuerit, Tum quasi illa satis non essent; septendiali celebritate ad laudes illius vel audiendas, vel legendas nihilominor conuenit numerus, nè quisquàm tota vrbe, aut agro nostro Paulo eruditior inuentus est. qui vel Hetruscis numeris, vel latinis versibus illius virtutes celebrare non tentauerit; & nunc tricesimo iam ab eo, quo sepultus est, die, tantus tamen hominum concursus est, quantus vix unquam antea, tantus in vultu omnium mæror, vt hodie demum obisse videatur. Quid dicam, quòd me tandiù de illo loquentem tanto silentio, & intentione vniuersa concio audiuit, quanta nunquam alias audiri quemquam memini? & facile intelligo hunc honorem non tam mihi, quàm materiæ, & Pauli virtutibus tributum esse, sentio enim quàm omnia iusto minora dixerim: atq; vt planè scio,



nè scio, ita ingenuè fateor mihi neq; materiam, neque  
 voluntatem, sed solam dicendi facultatē defuisse: Quam-  
 obrem ignosce oro, ignosce ò Paule, cui omnia debui;  
 nihil exolui, Tu me olim, quum pauca admodum essent,  
 quę laudare iure posses, eloquentia tua ita extulisti, vt  
 clarissima hæc ciuitas tantis illis laudibus non indignum  
 existimarit. & te hortante publico ad instituendam vrba-  
 nam iuuentutem stipendio conduxerit. Ego cum beata  
 rerum abs te præclarè gestarum copia superesset; ne nu-  
 merare quidem, aut indicare saltem illas potui, quæ per  
 se futura erat satis plena laus, sed ignoscis, scio, igno-  
 scis, atque vt eras humanissimus, animi mei affectum ita  
 diligis, vt orationis effectum non metiaris: cumq; iam  
 felix, & beatus omnibus humanis laudibus superiorem  
 te intelligas pietati in te meæ ingenii culpam facile remit-  
 tis: ac si rerum natura lucis vsum tibi concederet, quæ  
 tua modestia fuit, hæc ipsa quamquàm ieiune, & conci-  
 sè indicata nimis fuisse multa diceres, Itaq; & verecun-  
 diæ tuæ, & imbecillitati meæ obsecutus, ita nunc de te  
 dicendi finem faciam, vt toto hoc vitæ tempore quod-  
 cunq; mihi superesse Deus immortalis noluerit, vel obla-  
 ta, vel quæsitā occasionem dulcissimam nominis tui me-  
 moriam, quantum vires tulerint, apud omnes prorogeni:  
 Vos autem boni patris boni filii nihil est quod consolari  
 mea oratione tentem: consolabitur non tempus modo,  
 quo paulatim aspera omnia, ac dura leniuntur: sed illud  
 in primis, quod ei qui tam honestè, ac piè vixerit, qui  
 mortem tam religiosa constantia exceperit, ex tam pe-  
 riculosa ista rerum omnium tempestate, ex tantis istis  
 huius vitę tenebris in tutissimum illum lucis æternæ por-  
 tum patuisse aditum nemo dubitat. Quod autem ad vos  
 attinet, nihil est quod vos orbo existimetis, quam diu du-  
 rabit hæc ciuitas, orbi esse non potestis, quot illa bonos  
 ciues habuerit, tot parentes habebitis. Hi vos quanta  
 ope fieri poterit, subleuabunt, atq; erigent; & amorem,  
 quo patrem vestrum prosequabantur, in vos totum trans-  
 ferentes



81  
ferentes dabunt operam, ne vlla prorsus orbitatis mala  
sentiatis. Vos modò, quos non paternarū solum rerum,  
sed amicitiarum etiam hæredes fieri decet; annitimini,  
quæadmodum iam cœpistis, vt tot ac tantorum virorum  
amicitia digni ab omnibus meritò iudicemini. atq; exi-  
stimate in vestris manibus positum esse, integra ne, an di-  
minuta ad vos perueniat paterna hêreitas: cuius longe  
maior pars in amicis quàm in prædiis reposita est. Quod  
si, vt estis omnes bona indole, bono ingenio, præditi, vos  
rectè dociles, & bene consulentibus obsequentes præbue-  
ritis: nihil dubito, quin et vestra subnixi industria, & ami-  
corum studio, atq; ope adiuti, vos tanto patre, tanta agna-  
tione, tot affinitatibus, tot magnorum virorum amicitiiis  
dignos probetis, & paternæ atq; auitæ laudis æmuli do-  
mum præclarum aliquod decus, patriæ peculiare adiuven-  
tum afferatis: atq; ita fiat, vt quod nunc in patre amissi-  
se nos dolemus: id filiis instauratum propediem gaudea-  
mus. Dixi.

F I N I S.



005266451



